

Vergangen Jahr hett hum nüms umstüürt

IN D' LUUR

Karin Böhmer

redaktion@on-online.de



Wat'n Himphamp um uns Bundespräsident. Nu weer he al in Warschau un dürs doch nich wiederfahren in de Ukraine. Dat giff ja woll nich! As he vergangen Jahr na Vittebur Julia Klöckner un Burenpräsident Joachim Rukwied mitbrocht hett, hett hum ja ok kieneen weer umstüürt. De Buren weren füünsk, man se sünd tuuk bleven. Man villicht kannst du dat een nich mit dat anner verglieken. Klar sull de Ukraine nüms vör d' Kopp stöten, de helpen will. Dat nu all bülken, dat Utladen van de Präsident weer en Utladen van Düütsland, is överdreven. Well beschoten word, seggt villicht maal wat, wat wi in't verkehrt Halsgatt kriegen. Nu mutten beid Sieden wiederproten. Steinmeier kann so lang na Vittebur kamen. Man Gas ut Engerhaaf kriggt he nich.